

Headline  
Date  
Media Title  
Section  
Circulation  
Readership

Kolej Risda tingkat kualiti  
19. May 2008  
Berita Harian  
SUP  
217920  
2083000

Language  
Page No  
Article Size  
Frequency  
Color

MALAY  
13  
444 cm2  
Daily  
Full Color



# Kolej RISDA tingkat kualiti

## INFO

### Pendaftaran terbuka sesi Julai 2008

- 21 & 22 Mei 2008 ( Rabu & Khamis ) Pejabat RISDA Daerah Batang Padang/Hilir Pera, No.30 Jalan Raja, 35000 Tapah, Perak, Tel: 05-401 32032
- 6 & 27 Mei 2008 ( Isnin & Selasa ) Pejabat RISDA Negeri Perak, No. 31 & 33 Persiaran Greentown, Pusat Perdagangan Greentown, 31450 Ipoh, Perak. Tel: 05-5541 3723
- 26 & 27 Mei 2008 ( Isnin & Selasa ) Ibu Pejabat RISDA, Bangunan RISDA, Km7, Jalan Ampang, Karung Berkunci 11067, 50990 Kuala Lumpur. Tel: 03-42564022
- 3 & 4 Jun 2008 ( Selasa & Rabu ) Pejabat RISDA Negeri Terengganu, 20700 Jalan Sultan Ismail, Terengganu. Tel: 09-622 2766
- 9 & 10 Jun 2008 ( Isnin & Selasa ) Pejabat RISDA Daerah Dungun/Kemaman, Jalan Mustafa, 23000 Dungun, Terengganu. Tel: 09-848 1215
- 16 & 17 Jun 2008 ( Isnin & Selasa ) Pejabat RISDA Negeri Kelantan, Batu 2, Jalan Kuala Krai, 15050 Kota Bharu, Kelantan. Tel: 09-748 4077
- 18 & 19 Jun 2008 ( Rabu & Khamis ) Pejabat RISDA Daerah Jajahan Kelantan Tengah, Jalan Pejabat, 17500 Tanah Merah, Kelantan. Tel: 09-
- Pinjaman PTPTN, MARA dan sebagainya akan diuruskan bagi pelajar yang layak. Semua program yang ditawarkan mendapat kelulusan penuh dan provisional MQA. Program itu juga adalah kerjasama UPM dan UiTM. Kampus mempunyai kemudahan lengkap. Maklumat lanjut hubungi 06-552 9227 / 642 (Kolej RISDA Melaka); 42572677 (Kolej RISDA Ibu Pejabat) dan 06-5529227/ 5529642 (Kolej RISDA Melaka) atau layari laman web [www.kolejrisda.edu.my](http://www.kolejrisda.edu.my).

**S**EKTOR pertanian akan terus dipergiatkan sebagai jentera ketiga pertumbuhan ekonomi dalam tempoh Rancangan Malaysia Kesembilan (RMK9). Menyedari betapa pentingnya sektor pertanian untuk pembangunan Negara, Kolej RISDA menyediakan peluang untuk melanjutkan pelajaran di bidang pertanian.

Buat masa ini, Kolej RISDA menawarkan dua program dalam bidang pertanian iaitu Diploma Pertanian dan Diploma Pengurusan Ladang iaitu program kerjasama dengan Universiti Teknologi Mara (UiTM).

Selain itu, program Pra-Diploma Sains ditawarkan sebagai feeder kepada program Diploma Pengurusan Ladang.

Ketiga-tiga program ini dijalankan di kampus utama Kolej RISDA iaitu di Ayer Pa'abas Melaka. Pelaksanaan tiga program ini akan menambahkan lagi bilangan usahawan tani dan tenaga kerja profesional. Kursus baru dalam bidang pertanian sedang diusahakan untuk mendapat kelulusan Kementerian Pengajian Tinggi iaitu program Diploma Pengurusan Landskap dan Hortikultur serta Diploma Kesihatan Haiwan dan Penternakan.

Program Diploma Pertanian adalah program kerjasama dengan Universiti Putra Malaysia (UPM). Kualiti pembelajaran adalah dipantau dan dikawal selia oleh pihak UPM. Graduan yang dilahirkan diiktiraf oleh UPM serta selaras dengan kehendak pasaran kerjaya di masa depan.

Dengan pengiktirafan diploma ini juga, semua graduannya layak untuk me-

lanjutkan pelajaran di mana-mana IPTA yang menawarkan kursus lanjutan di bidang pertanian.

Bermula sesi pengambilan pelajar Julai 2008, Kolej RISDA menawarkan program Diploma Pengurusan Ladang dan Pra-Diploma Sains. Program ini adalah program kerjasama dengan Universiti Teknologi Mara (UiTM) dan Kolej RISDA juga adalah Kolej Bersekutu UiTM.

Graduan yang dilahirkan diiktiraf UiTM serta selaras dengan kehendak pasaran kerjaya di masa depan. Program Pra-Diploma Sains adalah 'feeder' kepada program Diploma Pengurusan Ladang di mana program ini membuka ruang kepada lepasan SPM dan STPM yang tidak mempunyai kelayakan mencukupi untuk mengikuti program Diploma Pengurusan Ladang.

Mereka ini akan mengikuti program Pra-Diploma Sains selama setahun sebagai laluan ke Diploma Pengurusan Ladang. Kedua-dua program ini juga mendapat kelulusan daripada Kementerian Pengajian Tinggi dan dalam proses untuk mendapatkan kelulusan penuh daripada Lembaga Kelayakan Malaysia (MQA) atau dulu dikenali sebagai Lembaga Akreditasi Negara (LAN). Kualiti pembelajaran adalah dipantau dan dikawal selia oleh pihak UiTM.

Selain daripada itu, Kolej RISDA menawarkan program diploma dan pra-diploma yang mendapat kelulusan Kementerian Pengajian Tinggi dan Lembaga Kelayakan Malaysia (MQA). Kesemua program itu dijalankan di Kolej RISDA Melaka. Program yang ditawarkan ialah Diploma sains Komputer (UPM), Diploma Pengurusan Perniagaan (UPM), Diploma Perakaunan, Diploma Keusahawanan, Pra-Diploma Sains Komputer dan Pra-Diploma Pengurusan Perniagaan.

Kelebihan Kolej RISDA adalah satu-satunya IPTS yang menjalankan kursus pertanian di peringkat diploma setakat ini.

Pada 2007, Kolej RISDA melahirkan seramai 69 orang graduan pertama dalam program Diploma Pertanian. Daripada jumlah itu 80% graduan mendapat pekerjaan dan yang selebihnya telah melanjutkan pengajian ke peringkat lebih tinggi.

Memilih program diploma yang tepat dan sesuai adalah penting kepada lepasan SPM/SPMV dan STPM. Program diploma mendapat pengiktirafan daripada Lembaga Kelayakan Malaysia (MQA) yang memudahkan pelajar mendapatkan penajaan dan pembiayaan bagi pengajian mereka daripada badan penajaan seperti Perbadanan Tabung Pendidikan Tinggi Nasional (PTPTN), MARA dan sebagainya. Pembiayaan dan penajaan akan diuruskan oleh Kolej RISDA bagi pelajar yang layak. Sebanyak 98% pelajar yang mengikut pengajian di Kolej RISDA sekarang mendapat pembiayaan dan penajaan.

Bagi memenuhi kehendak generasi kedua kekebum kecil dan masyarakat luar bandar, Kolej RISDA juga menguruskan kursus kemahiran jangka pendek dalam bidang kecantikan, jahitan, perkapalan, baik pulih telefon bimbit, juruelektrik, kimpalan, bakeri & pastri dan membaik pulih komputer dan sebagainya dengan pembiayaan dari RISDA dan Kementerian Kemajuan Luar Bandar dan Wilayah (KKLW).

Kolej RISDA juga akan mengadakan hari pendaftaran terbuka di beberapa tempat seperti jadual. Pendaftaran bermula dari jam 9 pagi hingga 4 petang. Sila bawa bersama salinan sijil (SPM/STPM/Sijil), kad pengenalan, sijil lahir dan sijil berhenti sekolah/tamat pengajian yang disahkan bagi tujuan itu.

Untuk maklumat lanjut, hubungi talian 03-42571677 / 42572677 (Kolej RISDA Ibu Pejabat) dan 06-5529227 / 5529642 (Kolej RISDA Melaka) atau layari laman web [www.kolejrisda.edu.my](http://www.kolejrisda.edu.my).